



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-07/01-04-41572-1/24
Sarajevo, 28.10.2024. godine

Na osnovu člana 37. Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“, broj: 49/05 i 103/21) i Odluke Vlade Kantona Sarajevo, broj: 02-04-33277-6/24 od 20.06.2024. godine, ministrica Ministarstva za odgoj i obrazovanje Kantona Sarajevo, objavljuje

JAVNI OGLAS **za prijem pripravnika u Ministarstvu za odgoj i obrazovanje Kantona Sarajevo**

Ministarstvo za odgoj i obrazovanje Kantona Sarajevo objavljuje Javni oglas za prijem pripravnika srednje stručne spreme (SSS), bez radnog iskustva u struci, na određeno vrijeme u trajanju od 6 (šest) mjeseci:

- Pripravnik sa završenom srednjom školskom spremom (SSS) ----- 6 izvršilaca.

Prijavljeni kandidati moraju ispunjavati sljedeće opće uslove:

- da je državljanin Bosne i Hercegovine;
- da je punoljetan;
- da ima opću zdravstvenu sposobnost za obavljanje pripravničkog staža;
- da ima vrstu i stepen školske spreme – IV stepen, završena gimnazija ili srednja škola prirodnog, društvenog i tehničkog smjera;
- obavezno poznavanje rada na računaru;
- da nije obuhvaćen odredbom člana IX 1. Ustava Bosne i Hercegovine.

Uz vlastoručno potpisanu prijavu na Javni oglas koja sadrži kraću biografiju, adresu i kontakt telefon, kandidati su obavezni priložiti original ili ovjerenu fotokopiju sljedeće dokumentacije:

1. Uvjerenje o državljanstvu Bosne i Hercegovine (ne starije od 6 mjeseci);
2. Izvod iz matične knjige rođenih;
3. Dokaz o vrsti i stepenu školske spreme - IV stepen (završena gimnazija ili srednja škola prirodnog, društvenog i tehničkog smjera);
4. Dokaz da kandidat nema radnog iskustva u struci (uvjerenje izdato od nadležne administrativne službe - Federalni zavod za penzijsko/mirovinsko i invalidsko osiguranje- ne starije od dana objave Javnog oglasa);
5. Dokaz o poznavanju rada na računaru;
6. Izjava kandidata da nije obuhvaćen odredbom člana IX 1. Ustava Bosne i Hercegovine (ovjerena u nadležnoj službi općine koja vrši ovjeru potpisa, data i ovjerena nakon objave Javnog oglasa).

Prioritet pri zapošljavanju

Lica iz člana 3. Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, gradu Sarajevu i općinama u Kantonu Sarajevo („Službene novine Kantona Sarajevo“, broj: 37/20 i 27/21) koja imaju prijavljeno prebivalište/boravište u Kantonu Sarajevo, imaju pravo na prvenstvo pri zapošljavanju, a na evidenciji su JU „Služba za zapošljavanje Kantona Sarajevo“ ili su zaposlena na određeno vrijeme ili su zaposlena sa nižom stručnom spremom od one koju posjeduju. S tim u vezi, kandidati koji imaju prioritet pri zapošljavanju dužni su dostaviti dokumentaciju koja ne može biti starija od dana objave Javnog oglasa i to:

- lica koja imaju prijavljeno prebivalište/boravište u Kantonu Sarajevo na dan objave Javnog oglasa dostavljaju dokaz o prijavljenom prebivalištu/boravištu u Kantonu Sarajevo: Obavještenje da je uveden u evidenciju prebivališta/boravišta sa ličnim podacima- Obrazac PBA3 (ne starije od dana objave Javnog oglasa),
- dokaz da se kandidat nalazi na evidenciji nezaposlenih lica u JU „Služba za zapošljavanje Kantona Sarajevo“: Potvrda nadležne službe za zapošljavanje Kantona Sarajevo prema mjestu prebivališta kandidata o statusu nezaposlenog lica (ne starije od dana objave Javnog oglasa) ili dokaz da je kandidat zaposlen na određeno vrijeme: Potvrda poslodavca da je zaposlen na određeno vrijeme (ne starije od dana objave Javnog oglasa) ili dokaz da je kandidat zaposlen sa nižom stručnom spremom od one koju posjeduje: Potvrda poslodavca sa obaveznom naznakom stepena stručne spreme (zanimanja) na osnovu koje je kandidat zasnovao radni odnos kod poslodavca (ne starije od dana objave Javnog oglasa).

U skladu sa gore navedenom Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, gradu Sarajevu i općinama u Kantonu Sarajevo („Službene novine Kantona Sarajevo“, broj: 37/20 i 27/21), lica koja imaju prvenstvo pri zapošljavanju dužna su priložiti i dokaze o pripadnosti branilačkoj populaciji (ukoliko se pripadnost branilačkoj populaciji dokazuje Uvjerenjem koje ne može biti starije od 6 mjeseci od dana objave Javnog oglasa, a ukoliko se pripadnost branilačkoj populaciji dokazuje Rješenjem isto se prilaže u uvjerenoj kopiji) i to:

1. Član porodice šehida/poginulog, umrlog i nestalog borca/branioca

Naziv dokaza – dokumenata

- Uvjerenje o statusu djeteta šehida – poginulog, umrlog i nestalog borca/branioca;
- Rješenje o priznatom pravu na porodičnu invalidninu za suprugu šehida - poginulog, umrlog i nestalog borca/branioca;
- Uvjerenje o učešću u Oružanim snagama za šehida - poginulog, umrlog i nestalog borca/branioca.

Organ koji ga izdaje

- Općinska služba za boračko-invalidsku zaštitu, Grupa za pitanja evidencija iz oblasti vojne obaveze prema mjestu prebivališta.

2. Ratni vojni invalid

Naziv dokaza – dokumenata

- Rješenje o priznatom svojstvu ratnog vojnog invalida

Organ koji ga izdaje

- Općinska služba za boračko-invalidsku zaštitu

3. Supruga ratnog vojnog invalida

Naziv dokaza – dokumenata

- Rješenje o priznatom svojstvu ratnog vojnog invalida
- Vjenčani list

Organ koji ga izdaje

- Općinska služba za boračko-invalidsku zaštitu
- Općinska služba- Matični ured

4. Dobitnik ratnog priznanja i odlikovanja

Naziv dokaza – dokumenata

- Rješenje o priznatom pravu na mjesečno novčano primanje dobitnika priznanja

Organ koji ga izdaje

- Općinska služba za boračko-invalidsku zaštitu

5. Demobilizirani borci/branioci

Naziv dokaza – dokumenata

- Uvjerenje o učešću u Oružanim snagama

Organ koji ga izdaje

- Grupa za pitanja evidencija iz oblasti vojne obaveze prema mjestu prebivališta.

6. Dijete:

- a) ratnog vojnog invalida,
- b) dobitnika ratnog priznanja i odlikovanja i
- c) demobiliziranog borca/branioca.

Naziv dokaza – dokumenata

- Uvjerenje o statusu djeteta ratnog vojnog invalida
- Rješenje o priznatom pravu na:
 - a) invalidninu,
 - b) mjesečni novčani dodatak,
 - c) uvjerenje o učešću u Oružanim snagama

Organ koji ga izdaje-

- a) i b) Općinska služba za boračko-invalidsku zaštitu
- c) Grupa za pitanja evidencija iz oblasti vojne obaveze prema mjestu prebivališta.

U vezi prioriteta u zapošljavanju dokumentaciju dostavljaju samo kandidati – korisnici prava po Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, gradu Sarajevu i općinama u Kantonu Sarajevu („Službene novine Kantona Sarajevo“, broj: 37/20 i 27/21).

U slučaju nepotpune i neuredne dokumentacije za dokazivanje prava na primjenu gore navedene Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, gradu Sarajevu i općinama u Kantonu Sarajevo („Službene

novine Kantona Sarajevo“, broj: 37/20 i 27/21), kandidat neće imati pravo na prioritet pri zapošljavanju po ovom osnovu.

Izabrani kandidati su dužni dostaviti ljekarsko uvjerenje o zdravstvenoj i radnoj sposobnosti za obavljanje pripravničkog staža prije stupanja na posao.

Prijave sa traženom dokumentacijom potrebno je dostaviti u zatvorenoj koverti putem preporučene pošte ili putem pisarnice Vlade Kantona Sarajevo sa naznakom : „Prijava na Javni oglas za prijem pripravnika - NE OTVARATI“, na adresu, Ministarstva za odgoj i obrazovanje Kantona Sarajevo, Reisa Džemaludina Čauševića 1, Sarajevo.

Rok za podnošenje prijava je 15 dana od dana objavljivanja Javnog oglasa u najmanje tri različita dnevna lista i web stranici: <http://mo.ks.gov.ba> .

O rezultatima Javnog oglasa prijavljeni kandidati će biti pismeno obavješteni.

Nepotpune i neblagovremene prijave neće se uzimati u razmatranje.

Dostavljena dokumentacija neće se vraćati.

Ohrabruju se osobe oba spola da se prijave na ovaj Javni oglas. U okviru ovog Javnog oglasa biti će osigurane jednake mogućnosti za sve osobe bez diskriminacije po bilo kojem osnovu.

MINISTRICA

Naida Hota – Muminović, s.r.

Dostaviti:

- web stranica Ministarstva za odgoj i obrazovanje Kantona Sarajevo
- oglasna ploča
- a/a



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba